
“Саховат ва кӯмак” умумхалқ ҳаракати доирасида эҳтиёжманд оилаларга шу кунгача 830 000 000 сўмлик озиқ-овқат маҳсулотлари етказиб берилди

“Саховат ва кӯмак” умумхалқ ҳаракати доирасида эҳтиёжманд оилаларга шу кунгача 830 000 000 сўмлик озиқ-овқат маҳсулотлари етказиб берилди

Асли меҳр-оқибат, ҳамжиҳатлик, ҳамдиллик каби инсоний хислатлар бизнинг миллатимизга бегонамас. Зотан, “Одам тафтини одам кўтаради” деган мақол ҳам бежизга айтилмаган. Коронавирус пандемияси туфайли ширин лаҳзаларга бой бўлган дийдорга, самимий сўхбатларга лиммо-лим учрашувларга муштоқ бўлиб қолган кўнгиллар қанча. Айниқса, ушбу ҳиссиёт беморларда, касаллик ёстиғига михланиб қолган инсонларда кучли бўлади. “Саховат ва кӯмак” умумхалқ ҳаракати доирасида кекса-нуронийлар, хасталикка чалинган беморлар ҳолидан хабар олиш мақсадида туманимизда яна бир савобли ишга бел боғланди. Туманнинг Қалъача, Ғазнов, Соҳибкор, Тул маҳалла фуқаролар йиғинида яшовчи 9 нафар фуқароларга бепул дори-дармон воситалари етказиб берилди.

Нусратов Бобонусрат Қалъача маҳалла фуқаролар йиғинида яшайди. Мана бир неча йилдирки, хасталик сабаб ёстиққа михланиб қолган. Лекин отахон бугунги тиббиёт соҳаси ходимлари фаолиятдан миннатдор. Чунки шифокорлар Бобонусрат-бобо ҳолидан ҳамиша хабар олиб туришади. “Мен ҳам бутун умримни шу масъулиятли касб – шифокорликка бағишладим. Мингдан-минг раҳмат бизга берилаётган эътибор ва ғамхўрликларга. Рўзаи рамазон айёмида шифокорларимиз томонидан қилинган бундай эзгу амаллар бизни жуда қувонтирди” – дейди бизга юзланиб бобо. Шу куни фуқароларга 1 миллион 420 минг сўмлик дори-дармон воситалари етказиб берилди.

Шунингдек, биринчи сектор ҳудудидаги Девайрон маҳалла фуқаролар йиғинида умргузаронлик қилаётган кам таъминланган ва ижтимоий кӯмакка мўҳтож оилаларга ҳам озиқ-овқат маҳсулотлари – ун ва ўсимлик ёғи етказиб берилди. Маҳсулотларни аҳолига етказишда бевосита иштирок этган туман ҳокими Фаррух Усаров ва туман прокурори Фарҳоджон Абдувалиевлар фуқароларга мана шундай кунларда сабрли бўлиш лозимлиги, карантин талабларига риоя этган ҳолда томорқадан самарали фойдаланиш учун меҳнат қилиш кераклигини тушунтиришди.

Бизга етган маълумотларга кўра, шу кунгача туман миқёсида кам таъминланган, эҳтиёжманд, ижтимоий кӯмакка мўҳтож оилаларга 830 000 000 сўмлик озиқ-овқат маҳсулотлари ва дори-дармон воситалари етказиб берилган. Сух туманида “Саховат ва кӯмак” умумхалқ ҳаракати доирасида хайрли ишларни амалга ошириш жараёнлари давом этапти.

Сух тумани ҳокимлиги Ахборот хизмати

2020-05-02 15:56:25